

叢錄

傅來爾傳（勤工儉學傳之一）

石曾

傅來爾西班牙教育家也。生於千八百五十年。因其以自由思想結怨于宗教。千九百九年。託詞暴動案殺之。各國學界憤甚。表示反對。法國團體曾刊『傅來爾事畧』一書。茲節譯于左。

千八百五十年正月十日。傅來爾生于阿樂村。距巴司倫（西班牙要邑）北七十五啓羅邁當。其地明秀。海濱環抱。橙木森森。傅氏之父母務農。忠于王室。而篤信舊教。是故彼少時受宗教教育甚深。

方十三四歲。傅氏爲巴司倫某布廠工夥。廠主曾受創于宗教。故倡自由思想。渠重傅氏英才好義。遂友視之。夫所以增其智慧。與反對宗教之思想。皆廠主之力也。其後廠主與彼終相友善焉。逮二十一歲。彼純以勤工力學爲務。賴布廠主人

假以書籍遂自成其普通知識。

傅氏之軍役既畢。西班牙北方鐵路公司允其請。爲察路員。無何與塞尼第女士婚。有子女數人。千八百八十四年入巴司倫之秘密共濟會（此會反對宗教）其長女蒂尼達之生也。彼猶允行命名禮而與以教名。第此爲最後之讓步。其他子女皆未行命名禮。名之曰『和平』『太陽』。彼又深慕李高大將之義。以名其子。而誌不忘。

千八百八十六年九月十九日。傅氏與聞衛拉岡之暴動。其時仍爲察路員。馬里丁之攝政不足以滿國民之望。共和黨人試爲軍隊之反正。宣布民國。然盡失敗。傅氏出走。與其家同至巴黎。爲西班牙共和黨首領曹理樂之書記。無何相與交友。至篤。並繼爲共和黨政體與反對宗教之傅布。于千八百九十年入法國秘密共濟會（法國自由思想之發達與國教分離之事。此會大力焉）當休沐期中。彼必返西班牙從事傅布。刊譯書籍多種。以供傅布之需。並留心科學。以培養箇

人之學識。彼居巴黎。與其夫人授西班牙語學課。以濟家需。並爲方言學會義務教員。刊行西班牙語一書。迄今方言學會仍用之。自千九百一年。彼因致力於巴司倫新學校之創設。乃不從事于方言學校矣。

近千八百九十四年。傅氏有特殊之機遇。一日有老婦人偕其女來訪。卽梅氏母女也。梅氏酷好旅行。欲遊西班牙。覓西班牙文教授。由友人介紹。就傅氏受課。若干時。師弟外無他交遊。既而友誼漸深。偶談及宗教。而知梅氏固信奉甚篤者也。然傅氏之意誠摯。凡與接近者無不知之。故其欲變化梅氏之意。不爲之稍衰。惟經若干年。尙未能達。梅氏厭其固摯。不復往見矣。然對之固留良感。稍遲復與之往來。

於是時。傅氏已不希望西班牙可得穩固之共和。蓋以爲若人民不脫于愚昧。無識。則反正也。自由也。皆爲空想。卽如巴司倫。乃西班牙之巨埠。而其不知字者極多。是故必先開民智。賴教育乃能得真正之自由。然前此則必無望。因西班牙之

守教特甚也。彼既深信此意，遂轉注意于教育問題，而研究各國關於教育一切之理說。後常以所圖語梅氏。梅氏感其深思，遂許助資創辦第一『新學校』。梅氏更常謂己無家人，願以巴黎之房產與之。傅氏受其贈以爲創辦巴司倫新學校之用。至梅氏則于遺產狀中，毫不限定用途。梅氏卒于千九百一年，傅氏承襲遺產，而其生活之狀未異，終守儉樸之行，堪爲模範也。

新學校之始頗狹小，千九百一年八月開學，學生僅三十人，女十二，男十八。第一年之末，學生之數逾七十。此校影響外界者甚廣，匪但及于西班牙各地，且及于他國，無不歡迎此種之試驗。此固發起人之所預料也。新學校刊行之書籍，遠紹正當之學理，此諸書皆科學家之名著也。

西班牙乃純全宗教之區域，新學校對於宗教，明佈意旨，而不僞守中立。宗教本關於社會政治經濟之問題，不得置之不顧。故新學校毅然與其師生以宏博之

知識，以圖抵抗迷信之進攻。